

محرر در) فقط بونوع میزان الهوا يك طـوعری اوله من چـونكه
مقره نك از برشی تخلفی ابره نك حرکتی اغلش دیره رق و یا خود یا کلاش
دوغمسه سبب اوله رق کوستردیکی اشارات صحیح اوله من
علم جر ائقالده مهارتی اولان فرانسمز موسیو بوردون مؤخرأ بر نوع
میزان الهوا ایجاد ایتشد که بونکله جبهه سز مطلوب حاصل اولور
و اسنلیدیکی قدر کوچك قطعده یایله بیلور اشبو الت تیمور و باقر
و امثالی معدندن معمول و درونی خلو مطلق حالنده بولنان بر مدور
بوریدن عبارت اولوب اساسی دیگرری مثالو هوانك قوه تضبیقه سی
اوزرینه مبنیدر صورت ترکیب و اعمالنك لایقيله اکلاشلمسی جر ائقالدن
بعض مسائل بیلکه محتاج اولدیغندن بونك تعریفنی مسائل مذکورهدن
بحث ایده حکمز وقته تعلیق ایتك دهها مناسب اولور

(بقیه سی صکره)

(قدری)

(دارالقنونه درس عام کشادی)

بو دفعه بااراده سنیه حضرت پادشاهی انتشار معارف نیت خیریه سببه
دارالقنونه بعض علوم طبیعیہ درس اولتمق اوزره بر درس عام
ترتیب اولنوب بر قاج کونه قدر کشادی مقرر بولنشدرخنی اولدیغنی
اوزره حکمت طبیعیہ مسائلنك لایقيله تفهیمی لازم کلان تجربه لاینك
مشاهده سنه متوقف اولدیغندن اشبو درسلرده اولوجهله تجارب دخی

اجرا

اجرا اولنه جغی مثللو ممکن مرتبه تعبیرات واضحہ استعمال اولنه جغندن
 هر کس بونک استماعندن استفادہ ایدہ جکی و فون مذکورہ نیک بین
 الاهی توسع افکار و ترقی صنایع حقندہ درکار اولان حسن تأثیراتنه
 نظراً طلبہ علوم و مأمورین اقلام و ارباب حرف و صنایع مدن هر
 صنف تبعہ شاهانہ طرفندن بونک تدرس و تعلمنه زیاده سیلہ میل
 و رغبت کوستریله جکی مجز و مدر

درس مذکور مجلس و الای حکام عدلیہ اعضای کرامندن دولتلو
 ادهم پاشا حضرتلری معرفتیلہ ترتیب اولنوب مشار الیهک تحت
 نظارتندہ بولندہ جق و معادن مجلسی رئیس سعادتلو درویش پاشا
 حضرتلری دخی تدریسہ همت ایدہ جکدر معلوم اولدیغی اوزره مشارالیه
 درویش پاشا علوم مذکورہ یی اوروپادہ کمالیلہ تحصیل و مقدمات بعض
 مکاتب شاهانہ تدریس ایدوب بو بابده اہلیت و مہارتی مسلم
 اولدیغندن شو امر خیرک حسن ایفاسنہ موفق اولہ جغی بی اشتباہدر
 سایہ مکارم وایہ سلطنت سنیدہ حسن تربیہ یہ موفق اولش بو مثلاً
 ذواتہ کورہ معارف مکاتبہ لرندن ابنای وطنک حصہ دار اولسنہ سعی
 و همت ایللری وقیلہ کندورلینک مظہر اولدقلری اعطاف سنیدک
 حق تشکری ایفایہ احسن و سائل اولدیغندن طوغریسی مشار الیہما
 حضراتک شو همت بی ہمتازی هر درلوشنا و ستایشہ سزا و ارباب
 اقتداردن اولان ذواتک بونلر اثرینہ اقتفا ایللری البق و احرادر
 مناصب عالیہدہ بولنان ذواتک بو وجہلہ نشر علوم ایلہ اشتغالری حاشا
 وقع و اعتبارلرینہ ایراث خلل ایتموب بالعکس (رتبۃ العلم اعلى الرتب)
 قضیہ مسلمہ سی اقتضاسنجہ برقاٹدہا اعتلای شرف و شانلرینی موجب
 اولہ جغی مستغنی قید تذکار و اسلاف کرامدن پک چوق ذوات اوقات
 خالیہ لرندہ شو مسلکی اختیار ایلدکلری رہین رتبہ اشتہاردر

اشبو درسك كشادی جمعیت عاجزانه من مقاصد خیریه سنه موافق
اولوب بمنه تعالی یکدیگرینک ترویج امانه سعی و اهتمام ایده جگرندن
سلطنت سنیه نك تربیه عامه حقننده بو و حمله دخی سزارار یوریلان
همم جلیله سی موجب کمال حبور و مباحاتمز اوله رق دعای دوام عمر
و شوکت حضرت پادشاهی زیور زبان اخلاص نشان قلمشدر

حکمت طبیعیه درسیچون لازم کلان الات و ادوات موجود
اولدیغندن هفته ده ایکی دفعه اولق اوزره شمیدیلک علم مذکور تدریس
اولنه جق و علم کیمیا ایچون اقتضا ایدن الات دخی اوروپایه سپارش
اولندیغندن و روندنه انک دخی تعلیمه مبادرت اولنه جغی مثللو علم نباتات
و هیت درسلی اعطاسی دخی مصمدر

هر درلو فنون تدریس و تعلیمه مخصوص اولق اوزره مقدا مصارف
کلیدایله انشا و ما وضع لهسنک خلافتده پک چوق شیلرده استعمال
اولمش اولان دار الفنون ابنیه جسیمسی شمیدییه قدرنا تمام و خالی
قالمش ایسه ده مذکور درسك اوراده كشادی بمنه تعالی ایلروده سایه
فیضوایه حضرت تاجداریده دار الفنون مذکورک حسن اکیال
و تنظیمه بر مقدمه متینه عد اولنه بیله جکی درکاردر
درس مذکورک یوم كشادی واستماعیچون تعیین اولنه جق ایام و ساعات
ورقه مخصوصه ایله عمومه اعلان قلنه جقدر

(منیف)